

	Қазақстан Республикасы Энергетика министрінің 2018 жылғы 23 мамырдағы № 203 бұйрығына 3-қосымша
	Нысан

**Қазақстандық кадрларды оқытуды қаржыландыру бойынша шығыстар туралы есеп**

Индекс: ФОКК-3

Жиілігі: тоқсан сайын

Ұсынатын тұлғалар аясы: көмірсутектер және уран өндіру жөніндегі жер қойнауын пайдаланушылар

Қайда ұсынылады: көмірсутектер және уран өндіру жөніндегі уәкілетті орган

Ұсыну мерзімі: есепті кезеңнен кейінгі айдың жиырма бесінен кешіктірмей

Жер қойнауын пайдалануға келісімшарттың нөмірі	Ұйым атауы	Мемлекет коды	БСН	Заңды тіркелген мекенжай	Ресми интернет-ресурс	Тегі, аты және әкесінің аты	ЖСН	Жұмыскердің лауазымы	Мамандық атауы
1	2	3	4	5	6	7	8	9	10

ҚҚС есепке алмағанда, Қазақстан Республикасының азаматтарын оқытуға жұмсалған, немесе мемлекеттік бюджетке аударылған сома, мың теңге	ҚҚС есепке алмағанда, жанама шығыстар сомасы (жол жүру, тұру, тәулікақы), мың теңге	Сатып алынған ТЖКҚ атауы және қысқаша (қосымша) сипаттамасы	ҚҚС есепке алмағанда, ТЖКҚ сатып алуға жұмсалған сома, мың теңге	Төлем құжатының нөмірі	Төлем құжатының күні
11	12	13	14	15	16

Ескертпе: аббревиатуралардың толық жазылуы:

БСН - бизнес сәйкестендіру нөмірі

ҚҚС - қосылған құн салығы

ЖСН - жеке сәйкестендіру нөмірі

ТЖКҚ - тауарлар, жұмыстар мен көрсетілетін қызметтер

Нысанды толтыру бойынша түсіндірме осы нысанның қосымшасында келтірілген.

	Қазақстандық кадрларды оқытуды қаржыландыру бойынша шығыстар туралы есеп нысанына қосымша
--	-------------------------------------------------------------------------------------------

**Әкімшілік деректерді жинауға арналған нысанды толтыру бойынша түсіндірме**

**"Қазақстандық кадрларды оқытуды қаржыландыру бойынша шығыстар туралы есеп"**

1-бағанда жер қойнауын пайдалануға арналған келісімшарттың нөмірі көрсетіледі:

1) Кодекс қолданысқа енгізілгенге дейін жасалған жер қойнауын пайдалануға арналған келісімшартқа ие жер қойнауын пайдаланушылар жер қойнауын пайдалануға арналған келісімшарттың мемлекеттік тіркеу актісінің тіркеу нөмірін көрсетеді;

2) жер қойнауын пайдалануға арналған келісімшарты Кодекс қолданысқа енгізілген күннен бастап жасалған жер қойнауын пайдаланушылар жер қойнауын пайдалануға арналған келісімшарттың нөмірін көрсетеді;

2. 2-бағанда жер қойнауын пайдаланушы оқыту жөніндегі келісімшарттық міндеттемелерді орындау шеңберінде ақшалай қаражат аударған ұйымның атауы көрсетіледі:

Қазақстан Республикасы азаматтарының оқуына ақшалай қаражат аудару кезінде оқу (қайта даярлау, біліктілік арттыру) жүргізіліп отырған (жүргізілген) оқу орнының атауы, оның ішінде жер қойнауын пайдаланушы болып табылатын заңды тұлға жанында өзінің жеке оқу (оқытатын) орталығының атауы көрсетіледі;

оқу орнына тауарларды, жұмыстарды және (немесе) қызметтерді сатып алуға ақшалай қаражат аудару кезінде;

мемлекеттік бюджетке ақшалай қаражат аудару кезінде салық түсімдерінің, кедендік және бюджетке төленетін басқа да міндетті төлемдерің толықтығы мен уақыттылығын қамтамасыз ететін уәкілетті органның атауы көрсетіледі;

3. 3-бағанда Елдердің мемлекетаралық жіктеуішіне сәйкес оқу орны елінің коды көрсетіледі (2-бағанда көрсетілген). Егер ұйым – заңды тұлға Қазақстан Республикасының резиденті болып табылған жағдайда, Қазақстан Республикасының коды көрсетіледі;

4. 4-бағанда ұйымның бизнес сәйкестендіру нөмірі көрсетіледі. Баған оқу орны – заңды тұлға Қазақстан Республикасының резиденті болып табылмаған жағдайда, толтырылмайды;

5. 5-бағанда ұйымның заңды тіркелу мекенжайы көрсетіледі: елді мекен, көше, үй, кеңсе;

6. 6-бағанда ұйымның ресми интернет-ресурсы (бар болғанда) көрсетіледі;

7. 7-бағанда жер қойнауын пайдалануға арналған келісімшартты орындау кезінде тартылған, Қазақстан Республикасының азаматы болып табылатын және оқу орнына (2-бағанда көрсетілген) оқуға, біліктілігін арттыруға және қайта даярлауға бағытталған жұмыскердің немесе Кодекстің 178-бабының 1-тармағының 1) тармақшасына сәйкес көмірсутектер және уран өндіру саласындағы құзыретті органмен келісілген мамандықтар тізбесі (бұдан әрі – АҚМТ) бойынша оқуға жіберілген Қазақстан Республикасы азаматының тегі, аты және әкесінің аты (бар болғанда) көрсетіледі;

Жер қойнауын пайдаланушы мемлекеттік бюджетке ақшалай қаражат аудару арқылы немесе оқу орнының материалдық-техникалық базасын жақсарту шеңберінде тауарларды, жұмыстарды және (немесе) қызметтерді сатып алу кезінде келісімшарттық міндеттемелерді орындаған жағдайда, баған толтырылмайды;

8. 8-бағанда тегі, аты және әкесінің аты (болған жағдайла) 7-бағанда көрсетілген Қазақстан Республикасы азаматының жеке сәйкестендіру нөмірі көрсетіледі.

8-баған жер қойнауын пайдаланушы мемлекеттік бюджетке ақшалай қаражат аудару арқылы немесе оқу орнының материалдық-техникалық базасын жақсарту шеңберінде тауарларды, жұмыстарды және (немесе) қызметтерді сатып алу кезінде келісімшарттық міндеттемелерді орындаған жағдайда толтырылмайды.

9. 9-бағанда жер қойнауын пайдалануға арналған келісімшартты орындау кезінде тартылған, Қазақстан Республикасының азаматы болып табылатын және оқуға, біліктілігін арттыруға және қайта даярлауға бағытталған жұмыскердің лауазымы/кәсібі көрсетіледі.

Баған жер қойнауын пайдаланушының жұмыскері болып табылмайтын Қазақстан Республикасының азаматы АҚМТ бойынша оқуға жіберілгенде, сондай-ақ жер қойнауын пайдаланушы мемлекеттік бюджетке ақшалай қаражат аудару арқылы немесе оқу орнының материалдық-техникалық базасын жақсарту шеңберінде тауарларды, жұмыстарды және (немесе) қызметтерді сатып алу кезінде келісімшарттық міндеттемелерді орындаған жағдайда толтырылмайды;

10. 10-бағанда АҚМТ бойынша мамандық атауы көрсетіледі;

Баған жер қойнауын пайдаланушының жұмыскерлері болып табылмайтын Қазақстан Республикасының азаматтары оқуға жіберілгенде, сондай-ақ жер қойнауын пайдаланушы мемлекеттік бюджетке ақшалай қаражат аудару арқылы немесе оқу орнының материалдық-техникалық базасын жақсарту шеңберінде тауарларды, жұмыстарды және (немесе) қызметтерді сатып алу кезінде келісімшарттық міндеттемелерді орындаған жағдайда толтырылмайды;

10-баған қойнауын пайдаланушы мемлекеттік бюджетке ақшалай қаражат аудару арқылы немесе Кодекстің 129-бабының 1-тармағының 1) тармақшасына және 178-бабының 1-тармағының 1) тармақшасына сәйкес оқу орнының материалдық-техникалық базасын жақсарту шеңберінде тауарларды, жұмыстарды және (немесе) қызметтерді сатып алу кезінде толтырылмайды.

11. 11-бағанда жанама шығыстарды (жол жүру, тұру, тәулікақы) және қосылған құн салығын есепке алмағанда, Қазақстан Республикасының азаматын (7-бағанда көрсетілген) оқу орнында (2-бағанда көрсетілген) оқытуға жұмсалған, мың теңгемен, немесе мемлекеттік бюджетке аударылған сома, мың теңгемен, көрсетіледі;

12. 12-бағанда Қазақстан Республикасының азаматын (7-бағанда көрсетілген) оқу орнында (2-бағанда көрсетілген) оқыту барысында қалыптасқан жанама шығыстардың (жол жүру, тұру, тәулікақы) сомасы ҚҚС есепке алмағанда мың теңгемен көрсетіледі;

13. 13-бағанда кадрларды тиісті облыстың, республикалық маңызы бар қаланың, астананың аумағында жер қойнауын пайдалану саласымен тікелей байланысты мамандықтар бойынша (2-бағанда көрсетілген) даярлауды іске асыратын білім беру ұйымдарының (оның ішінде қолданыстағы кен орындарында орналасқан оқу (тәжірибелік-зерттеу) полигондарының) материалдық-техникалық базасын жақсарту үшін қажетті, облыстардың, республикалық маңызы бар қалалардың, астананың жергілікті атқарушы органдары ұсынған және көмірсутектер және уран өндіру саласындағы уәкілетті органдармен келісілген тауарлардың, жұмыстардың және (немесе) қызметтердің тізбесі бойынша сатып алынған тауарлардың, жұмыстардың және (немесе) қызметтердің атауы және қысқаша (қосымша) сипаттамасы көрсетіледі.

Баған жер қойнауын пайдаланушы оқу орнының материалдық-техникалық базасын жақсарту шеңберінде тауарларды, жұмыстарды және (немесе) қызметтерді сатып алу үшін ақшалай қаражат аудару арқылы келісімшарттық міндеттемелерді орындаған жағдайда ғана толтырылады;

14. 14-бағанда оқу орны (2-бағанда көрсетілген) үшін көмірсутектер және уран өндіру саласындағы уәкілетті орган белгілейтін қағидаларға және тәртіпке сәйкес, тауарларды, жұмыстарды және (немесе) қызметтерді сатып алуға жұмсалған сома көрсетіледі, қосылған құн салығын есептемегенде, мың теңгемен.

Баған жер қойнауын пайдаланушы оқу орнының материалдық-техникалық базасын жақсарту шеңберінде тауарларды, жұмыстарды және (немесе) қызметтерді сатып алу үшін ақшалай қаражат аудару арқылы келісімшарттық міндеттемелерді орындаған жағдайда ғана толтырылады;

15. 15-бағанда Қазақстан Республикасының төлемдер және төлем жүйелері туралы заңнамасына сәйкес, сомалардың (11-бағанда немесе 14-бағанда көрсетілген) ұйымға (2-бағанда көрсетілген) нақты жіберілуін растайтын төлем құжатының нөмірі (сандық, әріптік және/немесе символдық көріністе) көрсетіледі.

Төлем құжатында берілген нөмірі болмаған жағдайда, бағанда "н/ж" мәні көрсетіледі;

16. 16-бағанда ақшалай қаражаттың ұйымға (2-бағанда көрсетілген) жіберілуін растайтын төлем тапсырмасының (15-бағанда көрсетілген) күні (күн, ай және жыл) "күн/ай/жыл" пішімінде көрсетіледі.